

## ■ IN BATTERDEGL

# Smaledet ruassaivel

DA CLAUDIA CADRUVI PFEIFFER/  
ANR

Quest tavlegià sut il palantschieu sura. Quel n'hai jau anc mai vesì. Jau abitesch gia dis, emnas e mais en questa abitaziun. Ma ch'il tavlegià ha sut il palantschieu sura anc quaders, ves'jau oz per l'emprima giada. Insaco fan els vid, quests quaders. Igl è fitg ruassaivel en l'abitaziun. Tuts èn davent. La pitschna ha cumenzà ier la scoletta. Il mesaun va uss en l'emprima. Sulet tar la gronda èsi normal ch'ella è davent.

Tge ruassaivladad. Curius. E quels quaders en il tavlegià? Remartgabel. Cler, jau hai adina guardà giun plaun. Là nua ch'ils pitschens malegian, zambregian e bajegian cun leggos. Trasora in schuschuri, vi e nà, termagliar, far urden e dischurden. Cemerats ed amias. Ed uss ils tavlegiads vids.

Diug hai jau spitgà sin quest mument. «Cura ch'els van lura tuts a scola, lura...» Uschia han bleras construcziuns cumenzà. Ed jau hai adina savì ch'igl è in'illusium da pensar ch'i cumenza lura la libertad

absoluta. Ma jau sun m'allegrada sin intginas uras libras senza stuair organisar insatgi che guarda d'uffants. E la pitschna era maddirà dad ir ord chasa. Ella aveva che sumegliava lung, sch'ils fragliuns eran davent.

Tuttina hai jau chatschà ier in fazelet en satg, cura ch'jau sun ida dad esch ora per ir cun mia pitschna en scoletta. In fazelet per mai. «Forsa hai jau lura che siglia las larmas, sche jau vesel co ella sesa là sin sia sutga pitschna», hai jau pensà. Betg perquai ch'jau fiss trista. U forse era in zichel per quai. Ma plitost pervi da quest curius sentiment.

Cura che la gronda ha cumenzà la scoletta hai jau gè l'emprima giada quest sentiment. Tuttenina eri da quai bletsch orasum mes eglis. «Battas?» ma sun jau dumandada. E dad in mument sin l'auter hai jau chapì las mammas che bragian, sch'ils figls u las figlias maridan en baselgia. I n'è betg tristezza. Forsa in zichel. Igl è era insatge auter. Ma tge lura precis?

Il tavlegià ma respunda cun silenzi.

Commuventada. Èsi gliegì? Gea, pli u main. Forsa èsi era in stel luschezza sin il figl u la figlia. E sin sasez. Ed insaco in levgiament ch'in tschancun strada è puspè fatg. Finalmain èsi uschè lunsch. Quai fiss i bain. Quai avess ins dumagnà. Fin qua ès arrivada. Igl è stà stuffi. Igl è stà bel. Igl è stà legher. Igl è stà da bragir. Igl è stà. Passà. Vargà. Ed jau hai dumagnà.

Il tavlegià na ma gratuletscha betg. El è nivs ed ha forse vesì gia pliras mammas.

Prestand turnan ils uffants da scola e scoletta. Igl è da ludar els. Da dir a la pitschna quant gronda ch'ella è, ch'ella vegn gia persula a chasa. Da dir al mesaun ch'el è fitg perdest e diligent ch'el vegn gia da scriver uschè bain il dad «1».

Trais differents uraris novs pendan vid la stgaffa-frestgera ora en cuschina. I na resta betg bler temp da contemplar il tavlegià cun ses quaders. Ina altra giada forse puspè. Avanti ragazzi. U plitost, enavant mias mammas! In nov tschancun da la vita cumenza.